



**Arnoldi Corvini â Belderen, Batavi, Jcti quondam
Consummatissimi, Consilarii Electoralis & Professoris
Moguntini Publici, &c. Tractatus Geminus De Personis
Atque Beneficiis Ecclesiasticis Sive ...**

opus posthumum, diu desideratum, nunc demum excusum, & indice
locupletissimo instructum

De personis ecclesiasticis

Corvinus van Beldern, Arnold

Francofurti ad Moenum, 1708

VD18 10184902

De Postulatione. Tit. 7

[urn:nbn:de:hbz:466:1-62002](https://nbn-resolving.org/urn:nbn:de:hbz:466:1-62002)

no nondum baptizatus in Prælatum. *c. statumus. §. his omnibus. dist. 6. r.*

Hanc fieri probant, modo supra relato à Nobis. Sic Apostolorum tempore electi Diaconi: *Actor. 6.* ab Apostolis Paulus & Barnabas, Silas & Judas, *Actor. 15.*

Hæc ut valeat, necesse, ut absque vitio Simoniz, conspirationis, conjurationis, requisitionis, vel consensus extra Capitulum habiti, processerit. *Dd. in d. c. quia propter & c. cum post petitam. eod.*

Facta Electione per has vias *compromissi & inspirationis*, & publicatio, & gratiarum actio, & inthronizatio, adjici solent, & communia sunt illis quæ in personis eligentium, electorum, & legitima absentium congregatione requiri notavimus.

TITULUS VII.

De Postulatione.

SUMMARIÆ.

- | | |
|--|---|
| 1. Postulatio quomodo accipiatur in Jure. | 10. Fieri debet postulatio per verbum Postulo. |
| 2. Postulatio quid. | 11. Quid si non? |
| 3. Quotuplex. | 12. Circa Postulationis admissionem qua consideranda. |
| 4. In solemnibus qua consideranda. | 13. Postulationis admissæ quis effectus. |
| 5. Circa personas. | 14. Non solemnibus postulatio qua. |
| 6. Formam. | 15. Nominatio qua. |
| 7. Quæ ejus requisita. | 16. Quotuplex. |
| 8. Quid si postulatio concurrat cum Electione. | |
| 9. Postulationis factæ admisso Superioris nititur. | |

Postulatio aliter accipitur in *Jure Civili*, aliter in *Jure Canonico*. Illo denotat vocationem seu Advocationem, per quam desiderium suum unusquisque, apud eum qui Juri praest, exponit, vel alterius desiderio contradicit. *l. sciendum. §. 2. ff. de postulando*: Hoc pro uno ex modis, quibus Praelati ad Ecclesiarum regimen, ad dignitates, & beneficia, assumuntur.

Sic accepta, est Electionis in subsidium introducta, ut si quis per Canones eligi prohibeatur, saltem admittatur postulationis subsidio: Quia *gratia* innititur Postulatio; *Juri Electio. c. bona memoria. 3. in fine. & Abb. Butrio. Gloss. ad Rubr. hic.*

2 Est Postulatio (strictè sumpta, prout distinguitur ab Electione) concors, certa, & simplex Capituli vel aliorum petitio, facta apud Superiorem, ut certa aliqua persona ad Praelaturam promoveatur, ad quam ob aliquod impedimentum vel defectum jure eligi non potest. *c. 1. §. postulationem. & §. pen. eod. Abb. d. loc.*

3 Non est omnis unius generis, sed duplex: *Abb. in c. quia propter. 4. 2. de elect.* alia Solemnis, alia Non solemnis seu simplex.

4 In solemnibus, quam definitivimus, consideranda tria; Nempe *Personae, postulandi modus, postulationis admissio.*

5 *Personae* sunt triplices; aliae quae *postulant*, aliae quae *postulantur*, aliae apud quas fit *postulatio*.

Postulant omnes qui habent eligendi Jus; veluti est Collegium, Capitulum; &c. *c. 1. in fin. cum seqq. hic. Hostiens. ibid. Sylv. in sum. voce Postulatio. num. 4.*

Quaeritur; An qui postularunt indignum scienter, removeantur à postulando aut eligendo? Sunt qui negant, quod hoc ipsum poena causa, quae non est limanda, inductum in eligentibus indignum. Nec, secundum eos, facit *c. scriptum est. 40. in fine. de elect.* Volunt enim ibi tradi casum specialem, propter eligentium concursum. Verius tamen est, poenam istam & concernere postulantes indignum, per *d. text. c. gratum. 2. hic.* Cujus consistit ratio, non in eo, quod concurrunt eligentes, sed in eo, quod postularunt indignum: ut colligitur ex *c. 1. in fin. & 2. ubi Abb. num. 3. hic.* Accedit, quod privilegium mereantur

antur amittere, qui permissa abutuntur auctoritate. *c. cum illorum. 32. in fin. de sent. excommun.*

Potest institui postulatio pro his, qui non animi vel corporis vitio laborant, sed qui ob defectum alterius qualitatibus, dispensabilem tamen, eligi impediuntur; veluti sunt minores triginta annis, qui tamen septimum & vigesimum attigerunt. *c. un. hic in Extrav. in minoribus constituti ordinibus, c. praterea. de qualit. ordin. illegitimè nati, & alium similem defectum patientes: ut sunt Laici servi, liberti, c. 3. & ibi Gloss. & Gloss. in c. fin. hic. c. cum nobis. 19. c. innotuit. 22. & ibi Gloss. de elect. c. 1. & 2. de serv. non ordin. can. Osius. dist. 61. Episcopi, Archi-Episcopi, & alligati alii Ecclesie, c. ult. junct. c. bona memoria. 4. hic. nondum religionem professi, qui exposcuntur Abbates, c. cum monasterium. de elect. Cum hi & similes prohibeantur eligi, debent postulari; cum Ecclesie sperantur futuri utiles. *c. cum in cunctis. eod. vide Sylvest. in sum. verb. postulatio. qu. 3. Mandagor. de elect. novor. Pralat. p. 1. cap. 53. Castellin. de elect. cap. 2. num. 5.**

Quibus nihil obstat, quo minus eligi possint, hi non sunt postulandi à quoquam, sed ritu & more consueto eligendi.

Qui ob defectum proprium eligi non possunt, nec possunt postulari, *c. un. hic. in 6. hoc est, qui patiuntur defectum indispensabilem, c. 1. §. pen. & ibi Gloss. hic: in verb. personam. Panorm. in c. fin. num. 8. in fin. eod. aut super quo dispensari sit durum, c. post. translationem. de renunt. in fin. c. officii. de elect. propter quem non possunt exercere officium suum ad quod promoventur; vel aliàs ita inhabilitantur à jure, Panorm. in d. c. fin. num. 8. vers. tertio regula. c. quia diligentia. & c. quisquis. de elect. can. conveniensibus. §. pen. & ult. 1. dist. 7. Quales sunt, criminosi omnes, ut, homicidæ, notarii perjuri, bigami, irregulares, & alii in quibus non solet juris rigor relaxari. per Azor. in instit. moral. part. 2. lib. 6. cap. 17. qu. 9. Valer. Regin. in praxi fori penit. lib. 30. tract. 3. num. 203. Lavor. var. lucubrat. tom. 1. tit. 4. cap. 14. num. 3. ubi cum Mandagorio de elect. part. 1. cap. 53. hoc intelligit, dummodo non egerint poenitentiam.*

Postulari etiam non debet, tanquam postulatione indignus, qui violavit interdictum. *c. 1. hic.*

Debet

Debet etiam postulatus esse *speetate probitatis*, & vir illustris scientia, morumque benignitate in Ecclesia fulgentissimus *cap. cum in canctis. 7. hic.* Nihil enim est, quod DEL magis officiat Ecclesiae, quam quod ad animarum regimen assumantur Praelati indigni. *c. nihil est. in princ. 44. de elect.*

Hinc & inobis & scientia indignum postulantem, postulandi Jus amittunt pro ea vice. Sicut & superior amittit potestatem, admittendi alium postulatum, qui sciens postulatum indignum admisit: *c. 1. & 2. hic.* quia sic abutitur sua potestate. *c. scriptum. in fin. de elect.*

Intenditur Postulatio recta ad Superiorem, qui potest super impedimento seu defectu, quo postulandus laborat, dispensare. *Archidiacon. ad c. quam sit. 6. de elect. in 6.*

Proinde si quis ad Episcopatum postulandus, Pontifici (quia Episcoporum causa inter majores causas Pontifici reservatas numeratur. *c. ut debitus honor. 59. in fin. de appellat. Gloss. & Canon. ad c. ult. hic.*) si ad dignitatem ei inferiorem. Ei qui confirmandi jus habet, postulatio porrigi debet, dummodo super impedimento, quod removeri postulatur, ille possit dispensare: *Abb. in d. c. fin. vers. venio nunc. alias non.* Quia postulationis admissio, vim habet Confirmationis. *Abb. in d. c. fin. num. 10. & ibi Joan. Andr. & commun. Canonista.*

Est inter Episcopos & Inferiores, in materia dispensandi, differentia; Quia Episcopi dispensant semper, ubicunque in jure dispensatio permittitur in genere, licet Episcopis non specificè: *c. dilectus. & ibi Gloss. in verbo permissa. & Innoc. num. 2. & 3. de temp. ord. & Panorm. in c. at si Clerici. §. de adulter. num. 1. & 4. & 5. de Judicis.* Inferiores Episcopis non dispensant, nisi in casibus specificè eis permissis. *c. cum illorum. de sent. excomm. c. secundo. de eo qui surr. ord. susc. & ibi Innoc. & Joan. Andr.*

6 Secundò consideratur in postulatione *modus* seu *Forma* postulandi.

Quae est, quod fiat vel per *Scrutinium*; cujus tamen forma ad unguem, ut plerumque fit, servari non necesse: *Abb. in c. quia propter. in princ. col. 3. circa med. vers. quarto. de elect. Innoc. in c. in causis. hic.* Vel per *Compromissum*. *Abb. d. loco.*

7 Ut postulatio valeat, requiruntur quinque, Pri-

Primò; Ut fiat humiliter: *c. innotuit. 20. vers. habito ergo. de elect.*
 Quia eius admissio fit per gratiam, *c. bone memoria. 3. & c. postulationem.*
5. hic.

Secundò; Ut concorditer; *d. c. bone memoria. 3. cum seq.* Ab
 omnibus enim aut majori parte Capituli debet fieri: *secund. Panor.*
 quia in actibus Collegii attenditur regulariter, quod fit à majori & sa-
 niori illius parte: *c. 1. de his que fiunt à major. part. Capit.* Et quia præsu-
 mitur pro majori parte, quod sit sanior, *c. ult. ubi Gloss. voce plurimorum.*
hic. ideo postulatio à minori facta parte non admittitur: *d. c. bone me-*
morie. Secundum nonnullos Canonistas necesse est, ut ex tri-
 bus partibus duæ in Postulationem conveniant: *c. postulationem.*
ubi Abb. & alii hic. Idem in c. bone. 1. eod. Hostiens. ibid. & ad h. t. in
sum. vers. qualiter fiat postulatio. Quia cum Postulatio quodammodo
 à Collegio dicitur fieri gratiose; *d. c. bone memoria. c. hic. ubi Gloss.*
verb. quam ex gratia. Abb. in rubr. & c. 1. eod. c. 1. de elect. congruum
 non est, tot Collegis ingratis alios velle impartiri Collegii benignita-
 tem, & ad gratiam faciendam compellere invitos; Cum juris sit præ-
 ceptum, vel uno ex Collegio adversante, gratiam facere non posse Col-
 legium: *not. in c. cum omnes. 6. de constitut. invitumque gratiam facere*
non debere compelli. c. precarie. 10. qu. 2. Gloss. d. verb. quam ex gratia.
 Sed verior & communior est sententia; sufficere si major & sanior pars
 consentiat: cum enim electio taliter facta valeat; *c. scriptum. 40. de*
elect. quid ni & Postulatio? Et sic tenent Sylvester. in sum. verbo postula-
tio. qu. 2. Azor. d. part. 2. lib. 6. cap. 17. qu. 3. Laxor. d. cap. 14. num. 7.
Castell. de elect. cap. 2. num. 8.

Quod si tamen Postulatio concurrat cum Electione, necesse est,
 ut numerus postulantium duplo sit major eligentium; alioqui præfer-
 tur Electio; *d. c. scriptum. & ibi late Abb.* Ratio; Quia Postulatio niti-
 tur gratia, nec ullum jus tribuit Postulato, aliquo defectu laboranti;
 quem proinde non admittere tenetur Superior; *d. c. postulationem. hic.*
 Ac verò Jure nititur Electio; quod expugnatur difficilior. *Abbas &*
Imolatus ad d. c. scriptum. Hoc est; Electio ordinariâ nititur viâ; po-
 stulatio verò extraordinariâ; ideoque habenda inferior, nisi fulciatur
 numero; prævalebitque Electio, jure procedens ordinario, etiam nu-
 mero

mero nixa minori, propterea quod non facile recedatur à modo ordinario. *d. c. scriptum. 40. §. quod s.*

Tertio in postulationis modo requiritur, ut fiat *Constanter*; Nam postulatio facta, nondum Superiori, cui jus admittendi, porrecta, ab iis qui postularunt, invito etiam postulato, revocari potest; quia non videntur in eum consentire uti sponsum, nisi placuerit majoribus; *Anchor. in c. 1. num. 12. hic.* etiamsi scrutinium sit publicatum; *Hofstiens. in d. c. postulationem; in princ. eod. & in c. bona memoria. num. 28. & Butrig. ibid. num. 11.* Nisi postulatio subscriptione postulantium roborata, fuerit presentata Superiori approbanda: *d. c. bona memoria. cl. 2. vers. nec obstabat.* Quia quantum ad se, postulantes per postulationem istam, approbaverunt illam; & votum Superioris non pendet ex eorum arbitrio. *c. inter. 3. de elect. Gloss. in d. c. bona memoria. 2. in verbo: illuderunt.*

9 Tota autem ejus admissio Superioris innititur gratiæ: *can. literar. dist. 63. & Gloss. in d. c. postulationem.* qui non tenetur postulato facere gratiam, nisi velit; quia non quicquid permittitur potestati, juris subicitur necessitati: *l. non quicquid. 40. in princ. ff. de judic. c. consult. & ibi Gloss. in verbo gratiam. de offic. deleg.* Ideoque postulationem non admittendo, nullam irrogat injuriam; nisi fuerit propter utilitatem aut necessitatem Ecclesiæ; & saltem à duabus partibus Collegii facta concorditer; *Abb. post Innoc. in d. c. bona memoria. num. 11. & seq. Sylvestr. ibid. num. 7.* quæ non potest rejici sine postulantium & Ecclesiæ, in qua fuit facta, injuria. *d. c. cupientes. §. deniq. & ibi Gloss. in verb. gratia. c. cum monasterium. de elect. Panorm. in c. pen. num. 2. hic.*

Imò talis postulatio tanti est momenti; ut ipsi præferatur Electioni à minori parte factæ. *Abb. Innoc. ad d. c. scriptum.*

10 *Quartò*; debet Postulatio fieri *Ritè*; Videlicet per verbum *Postulo*; Nam si quis dicit; *Eligo postulando*, aut *Postulo eligendo*, *eligo postulandum*, vel *postulo eligendum*, nihil agit. Qui enim eligit, dicit eum quem eligit, nullum habere defectum. Qui autem postulat, fatetur postulandum habere defectum; & ita est contrarietas in istis formis; & ex ea incertitudo, actum penitus vitians, ita ut declaretur nullus; *c. un. hic. in 6.* adeò ut nequidem ex Superioris confirmatione subsequente, queat consequi effectum aliquem: Propter regulam, quæ non patitur

titur confirmari, quod est ab initio nullum. *Gloss. in d. c. un. verbo irritum.*

Permittit tamen Pontifex, ut ejusmodi procedat postulatio in casu, quo dubitatur probabiliter, ob ignorantiam facti, an persona sit eligibilis, nec ne: cujusmodi exempla aliquot proponit *Gloss. in d. c. un. verb. probabiliter.* Causas enim ignorantia iusta sustineri actum, qui alias fuisset inutilis. *Zaf. hic, num. 8.*

Debet autem electus & postularus taliter adhibendo consensum suum alteram eligere viam; *d. c. un. in fin.* ne vagando in incerto, duplicem, contra Juris prohibitionem, sibi præfigere videatur titulum, & ex causa duplici expectare confirmationem, quod non ferunt jura. *c. ut quis. 25. de elect. in 6. l. cum qui duobus. § 1. ff. de acquir. vel omit. hered.*

Electâ alterâ non erit ei regressus liber ad omissam; sed est via præclusa: *d. c. un. in fin.* quia aliâs sibi contrariaretur. *Zaf. hic. num. 9.*

Quintò & ultimo: Debent in postulatione exprimi, omnes postulati defectus; aliâs non admittitur postulatio, & postulantes privantur postulandi potestate; modò defectus scienter non expresserint. *c. in notuit. 20. de elect. & Abb. in c. fin. num. 3. hic.*

Denique consideratur in postulatione *postulationis admissio*; ubi 2 videnda sunt duo.

Primum est: De admittendâ Postulationis causâ: quæ est *viduata Ecclesia*, cui per postulationem providetur *utilitas & necessitas* urgens. *d. c. bona memoria. 4. hic.* Alterum est de postulationis admittendâ verbis seu modo: Qui exprimitur à Glossâ *in c. gratum. 2. in verbo providisti. hic.* ubi scribit, quod dicere non debeat Superior, *confirmamus postulationem*; quia cum tota postulatio ab ejus pendeat gratia, quod possit confirmari, erit nihil; sed debet dicere ita, *Postulationem admittimus, vel non ducimus admittendam.* *Gloss. sequit. Butrio & Abbas in d. c. gratum. 2. num. 13.*

An autem cogi possit Superior ad dispensandum & postulationem admittendam, tradit Glossâ *in d. c. bona memoria. 3. in verbis ex gratia.* ubi ait; ex causa iusta Superiorem compellendum esse: *per c. nullus Laicus. 17. de jure patron.* puta, quia postularus est potens ad Ecclesi-

eclesiam defendendam, aut bene doctus, aut egregiis moribus praeditus, nec reperitur alius, per quem ita bene consulatur Ecclesia. *Abbas d. loco. num. 15.*

- 13 *Ultimum* quod est considerandum, est de admiffa postulationis effectu. Qui non consistit in eo, quod de jure videatur postulatus habitatus ut eligi possit; sed quod postulatus, postulatione admiffa, consequitur jus & potestatem regendi atque administrandi Ecclesiam; non secus ac si fuisset Electus & Confirmatus. *Abb. in c. 1. num. 34. hic.* Et ita servat Romana Curia, ut evitetur circuitus, & Ecclesiarum dispendium. *Abbas d. num. Joan. Andr. ad d. c. 1. num. 34. Panorm. ad c. 2. num. 13. eod.*

Hinc Postulatio Solemnis non minus quam ipsa Electio est examinanda. *c. licet in tantum. 4. vers. praeterea cum postulatio. de translat. Episcopi.*

Et haec quae hactenus diximus, intelligenda sunt, non de Postulatione Simplicis, sed Solemni, quae potestatem implorat Superioris, ut omne tollat impedimentum, & in postulato suppleat defectum; quo is & regere & administrare possit Ecclesiam. *Abbas ad d. c. 1. num. 37.*

- 14 *Postulatio Non-solemnis* seu simplex est, quando citra ullam solemnitatem postulatur ab eo, qui non potest dispensare super impedimento; requiritur tamen ejus consensus in promotione, ratione sui interesse, ut vir alioquin undequaque idoneus promoveri possit. *Abbas ad d. c. 1. ut si Monachus electus vel postulatus sit in Episcopum, vel ad Praelationem aliquam extra monasterium, vel ad Ecclesiam suam; petenda est & obtinenda sui Superioris licentia: c. si religiosus. de elect. in 6. ut & Patris consensus, si electus filius. Steinius in sum. Jur. Canon. hic. num. 2. Honor. van Axel sum. hic. num. 3.*

Ea admiffa, adhuc electione & confirmatione ejus, ad quem alias pertinet, opus est. *Abbas d. c. 1. & num. 34. & ibi Butrio. num. 52.*

- 15 *Ceterum* si ex Electoribus ipsis fiat alicujus Postulatio, ut eligatur, non postulatio, sed *Nominatio* aut simplex erit *petitio*: nec talis per postulationem erit assumptus, se per electionem: Sed & quando duo postulantur ineligibiles, ut unus eligatur ex iis, erit *Nominatio* potius, quam Postulatio. *ut in c. bona memoria. il. 1. hic. licet aliter ibi intelligat Gloss. Postu-*

Postulatio quoque Abbatum aut aliorum Inferiorum, non est vere & proprie Postulatio, sicut Episcoporum; Illi namque eligi possunt, etsi alteri alligati sint Ecclesiæ; quamvis sine licentia, per postulationem non solemnem aut propriam implorata, migrare non possint. *Barbosa de univ. jur. Eccles. lib. 1. cap. 19. num. 15. cum seq.*

Nominatio accipitur tripliciter: *Primò*; quando aliquis proponitur à Collegio, ut, si iudicatus fuerit dignus, eligatur: & nullum in hac acquiritur Jus: *de qua in c. quod sicut. de elect.* *Secundò*; quando Electores secretò aliquem nominant in chartula; *de qua in c. si quis iusto. ad fin. eod. in 6.* & hac nec aliquod acquiritur Jus, etiam scrutiniò publicato; non tamen variare possunt Electores; sed bene, antequam publicetur Nominatio. *c. publicato. de elect.* *Tertio*; quando duo vel tres digniores à Collegio nominantur, & offeruntur Superiori, ut quem maluerit confirmet; & in hac, licet non acquiratur jus nominatis; non tamen datur variatio oblata nominatione Superiori. *Barbos. 3. loc. num. 17.*

TITULUS IIX.

De Confirmatione.

SUMMARIA.

- | | |
|---|--|
| 1. Episcopus à non Superiore suo Electus confirmandus. | 5. Confirmantis quod officium. |
| 2. Confirmationem precedere debet consensus, tres menses. | 6. Confirmatus quid facere debeat. |
| 3. Confirmatio quid. | 7. Confirmatio quam adferat auctoritatem Episcopo. |
| 4. Confirmandi jus quis | |